

Tico Croes: AVP ta contento cu porfin ta investiga proyectonan

MIENTRAS AVP TA PONE ARUBA DEN LUZ

GOBIERNO ODUBER TA KIBRA ARUBA

ORANJESTAD (AAN): "E fin di siman aki acontecimentonan a pone Pueblo mira con mientras AVP ta sigui construi pa hiba Aruba dilanti e Gobierno di Promer Ministro Oduber ta sigui crea problema y kibra imagen di Aruba". Esaki ta declaracion di e Miembro di Parlamento pa AVP Tico Croes.

El a mostra cu durante fin di siman Pueblo por a tuma nota con AVP a tene eventonan na un nivel sumamente hato. E fundacion afilia na AVP a tene un lectura cu temanan di actualidad y cu importancia democratico y a trece Aruba dos invitado internacionalpa debati na mes nivel halto cu ta Dr. Eduardo Fernandez y Brian Atwood.

Pa Tico Croes AVP a demostra di ta un partido serio cu a trece Aruba personanan manera Eduardo Fernandez loke ta duna e partido e aspecto di positivismo seriedad y respet. Na mes momento AVP a haya oportunidad pa mostra tur e paisnan presente kico Aruba tin pa ofrece manera e hotelnan y un sistema di telecomunicacion cu a permiti un debate via satellite.

Atrabez di e reunion di e Organizacion di Cristiannan Democrat Aruba a worde poni den luz internacional. No solamente tabata tin elogio pa e capacidad organisatorio cu AVP pues Aruba tin pero tambe ta un hecho cu na Aruba a traha un programa pa acercamento entre e isla-

nan di habla Spaño y habla Ingles den e region.

Aruba lo hunga un papel importante den e programa aki y otro siman un delegacion di AVP lo viaha pa Trinidad pa participa na un evento di suma importancia. Di e forma aki AVP ta demostra su afan pa preseña un

Aruba di nivel halto na mundo. Un Aruba cu hendenan no solamente capaz pa organisa pero tambe cu capacidad pa atende asuntonan internacional.

Durante e mes fin di siman lamentablemente Aruba por a tuma nota tambe con e Ministro Presidente Nelson

Oduber a kibra e imagen di Aruba y a pone Aruba den luz negativo den prensa mundial. "Con un Promer Ministro por acusa su pais di fraude y corrupcion?" Tico Croes a puntra.

E Miembro di Parlamento pa AVP a declara cu e ta contento cu porfin lo bay in-

vestiga hudicialmente kico a pasa cu e proyectonan.

E diferencia entre MEP y AVP a sali dilanti durante fin di siman manera Tico Croes a bisa. E ta sigur cu Pueblo sa di saca su conclusion y huzga kico cada partido ta haci cu e dignidad y orguyo di Aruba.